

Në rast se ndesheni me një situatë të tillë, ju duhet të:

- Jeni të vetëdijshëm për taktikat e rekrutimit.

Trafikantët synojnë viktimat përmes faqeve të mediave sociale, linjave të bisedave telefonike, programeve jashtëshkollore, në vendet publike ose përmes miqve dhe të njohurve.

Gjithmonë bënë pyetje mbi njerëzit e rinj që shikoni në rrëthin shoqëror, veçanërisht ata që janë dukshëm më të vjetër!

- Kuptoni që të rinjtë e trafikuar janë viktima, jo fajtorë.

Nëse një person është detyruar për të bërë një punë kundër dëshirës, ai ose ajo është viktimë dhe nuk është fajtor për veprën që kryen.

Mundohuni të mos paragjykoni por nëse mundeni, ndihmoni!

Raportoni nëse dyshoni se dikush mund të jetë viktimë. Nëse besoni se një ri apo e re është në rrezik të menjëherëshëm nga abuzimi ose ngacmimi në internet, kontaktoni menjëherë:

Linja telefonike kombëtare 116 006

Rajoni më i afërt i policisë pranë vendit ku ndodhesh ose kontaktoni

në numrat pa pagesë: **112** ose **129**.



Implemented by



Deutsche Gesellschaft
für Internationale
Zusammenarbeit (GIZ) GmbH



In cooperation with

MARRI

Migration, Asylum, Refugees Regional Initiative

**Informimi është çelësi i
sigurisë në internet!**

Mëso dhe raporto!

Ky publikim është mbështetur nga Projekti Rajonal për Parandalimin dhe Luftimin e Trafikimit të Qenieve Njerëzore financuar nga Ministria Federale Gjermane për Bashkëpunimin dhe Zhvillimin Ekonomik (BMZ).

Përbajtja e këtij publikimi përfaqëson mendimin e ekspertëve të Qendrës A.L.T.R.I. dhe nuk përfaqësojnë domosdoshmërisht mendimet e Deutsche Gesellschaft für Internationale Zusammenarbeit (GIZ).



► A e dini se çfarë është trafikimi i qenieve njerëzore përmes rrjeteve sociale?

Trafikimi nënkupton marrjen, transportimin ose fshehjen e një personi apo grup personash duke i kërcënuar, dhunuar apo mashtruar me qëllim shfrytëzimin, përdorimin për punë të detyruar, prostitucion, transplantimin e organeve dhe çdo lloj forme tjeter shfrytëzimi (sklavërimi). Zhvillimi i teknologjisë së internetit sa vjen e po përdoret më shumë për lehtësimin e trafikimit të personave. Trafikantët po përfitojnë nga platformat digitale për të reklamuar, rekrutuar dhe shfrytëzuar viktimat.

► Një viktimë mund të rekrutohet nëpërmjet:

1. Ofrimit të mundësive për punësim;
2. Shfrytëzimit të situatës socio-ekonomike të të rinjve;
3. Ndikimit negativ të shoqërisë për tu përfshirë në situata të papërshtatshme, si vjedhja, lëndët narkotike, etj;
4. Martesës së detyruar.

Kujdes!!! Shfrytëzimi dhe abuzimi mund të ndodhin në të gjitha fazat e procesit të trafikimit, kudo ku ti ndodhesh!

► Rrjetet sociale janë më të përdorurat nga të rinjtë!

Për të përdorur i sigurt internetin duhet të keni parasysh disa këshilla miqësore:

1. Është shumë e rëndësishme që në llogaritë personale të rrjeteve sociale të mos publikoni të dhëna mbi jetën tuaj, si: ku jetoni, punoni apo shkolla që ndiqni;
2. Vendosni profilin tuaj në privat në mënyrë që vetëm miqtë tuaj në jetën reale të mund të kenë qasje;
3. Asnjëherë mos pranoni një kërkesë për miqësi nga dikush që nuk e njihni në jetën reale;



1. Asnjëherë mos pranoni të takoni dikë që e keni njojur online. Jo të gjithë individët janë po të njëjtët që ju prezantohen online.

2. Mos i beso të gjitha mesazheve që merr.

Nëse dikush të bën një ofertë që është shumë tèrheqëse, si bëhu i "pasur shpejt", bëhu "modele", apo "një jetë të lumtur jashtë shtetit, mos ju beso, me shumë gjasa është kurth!

3. Mos i trego pjesët e tua private në këmbim të diçkaje.

Vetëm ti duhet të kesh kontroll mbi trupin tend!

4. Mos ndani fotografi zbuluese ose përdorni emra të papërshtatshëm në rrjete sociale, do tèrhiqni vëmendjen e njerëzve të gabuar.

5. Shmangni grupet ku postohen gjëra te pahijshme, të dhunshme apo abuzuese. Në çdo moment bisedoni me një të besuar ose kérkonit ndihmë!

► Si mund të kuptosh që një fëmijë apo i ri është i trafikuar apo viktimë potenciale trafikimi?

1. Mungesa të pashpjegueshme në shkollë;
2. Ndryshime të menjëherëshme në veshje, sjellje ose marrëdhëni të zakonshme;
3. Ka shenja të abuzimit fizik në trup;
4. Ndihet i/e frikësuar, shqetësuar, dëshpëruar, nënshtruar, tensionuar, ose i/e nervoz/e dhe paranojak/e;
5. I referohet një personi tjeter për të folur për të, veçanërisht gjatë ndërveprimeve me figura të autoritetit shkollor;
6. Punon punë të detyruar përtrej orarit të përcaktuar dhe nuk paguhet ose paguhet shumë pak; Mund të jetë duke prostituar edhe pse duket që është nën 18 vjeç.

